



EIN KRAS VERHAOL...



Eine vieëarts oet Haler waas in 1988 op vakantie in Italië in de sjoene stad Florence. Wie det der dao duchtig tusse dae aoje kraom (ze neume ut dao monumenten) aan ut rondjlaupe waas, kwoom der bie ein klein plein. Det plein haaj waal ein hieële biezunjere naam: "Piazza del Limbo", oftewaal "Limburgerplein". Det vonj hae waal zoea spesjaal det hae zich leet fotografeere en met die foto ging der nao de burgemeister van Florence, de hieër Berlusconi. Dae waas net oet gefieëstj en booj nog ein glaeske "Ruby"-port aan. De vieëarts begos te stuute euver ut plein en det hae toch waal eine echte Limburger waas en of de burgemeister mer ins in Haler op bezoek woog kome. Missjiens koste wae waal ein Piazza del Italiano in Haler gaon make. De burgemeister vonj ut allemaol zoea spesjaal (hae haaj auch waal erg deep in ut glaeske gekoke) det hae de foto woog hubbe, want den kos der dao nog ein standbeeldj van laote make; ein stanbeeldj van eine echte Limbo veur oppe Piazza del Limbo.

Aafgelaupe zomer kreeg de vieëarts eindelijk ut telefoon-tje det ut standbeeldj klaor waas en of der ins woog kome kieke.

Nou minse, oppe foto zeetj gae ut resultaat mer de vieëarts waas der neet echt content met. Om ieërliek te zeen; hae vonj ut nurges op stale. Hae zelf haet mieër verkeshaar en gein krulkes oppe kop. De boek klopdje den weer waal, mer ut gedeildje onger de boek weer neet. Noe weite wae waal det Berlusconi van ein mug ein olifantj kan make, mer angesom, det wiste wae neet. De vieëarts waas met de gang van zake den auch neet ins en kwoom wit-heit teruuk nao hoes.



Reactie vanne redactie:

As redactie hubbe wae toch gemindj te motte reagere op deze brief. Ten ieërste is ut zoea det wae dae vieëarts al get langer as vandaag kinne. Det wil dus zegge desse sommige dinge die hae oet kraomdj mer met ein kurrelke zaot mos neme. Ten twieëdje hubbe wae ut "edele kleinhood" omwille van de minderjarige laezers van dees gezet mer aafgedektj met ein zwart veer-kentje. Euver waat dao onger te zeen is of te zeen haaj motte zeen, doon wae gein oetspraak. Daoveur motj gae in Florence en/of bij de vrouw vanne vieëarts zeen. Ten derdje wille wae eederein dae toch hieël noewsjerig is der op wieze det ut zwarte veer-kentje gein vekske van ein kras-leutje is, alhoewel ut gheieël waal ein kras verhaol is.



Ontdek ut sjoene Italië, met ein 14-daagse rondjreis. Geneet van de Italiaanse keuke, mer veural auch van waat ze dao-in klaor make veur uch. Dompel uch onger in de Italiaanse cultuur. Gae koomtj op de sjoenste plaatse: Colosseum, de sjeive taore van Pisa en de Piazza del Limbo.

KRAS.NL
Boek nu
via kras.nl

Pee-Es: Dees reis is neet gesjiktj veur de minderjarige reizigers.

